

山

書

山書第十八卷

大內祈教

崇禎十七年正月初二日于禁內大光明殿行祈教禮
責任大臣

正月吏科給事中馬嘉植疏言昔稱五帝其臣不及然
四目四聰不廢諮詢况此時何時敵隣一牆寇隔一帆
與共患難風雨者惟賢士大夫而已同舟而遇風則胡
越可使相救豈以羣策群力濟濟多士公忠體國遂稱

乏人江東不振雅設卒歲豈今日遂至此耶上聖原不自聖明主可與明言天下事非一家事獨為之則勞而罔功共為之則逸而易效所與偕太平定禍難者舍大臣將安賴哉乃今日交相推諉擔當不力小臣觀望皇上大家拱手熟視莫敢橫身以當天下之大難優游享成幸而無罪不至輕投諸淵則已矣軍國大計寂然未聞亦有以尚德緩刑切告者乎亦有以軍怨民愁工聞者乎亦有以群盜滿山恢復報捷盡屬欺蒙明白聲說

者乎亦有以惜才赦過引君寬大者乎亦有省發章疏
懇懇力請者乎亦有以謀名實行仁義孜孜補救者乎
臣未見盡然也數年以來毛舉塞責全無把柄如淒風
苦雨中操不繫之舟莫識所屆所藉蒿師稅工何為者
耶詩稱淇則有岸隰則有畔茫無畔岸而求治不亦難
乎原其所由任事之念不勝救過之念改前愆後而憂
懼多左方在員而才知誑有心世道者亦不過入嘆于
朝出嘆于室中宵而興當饋而起庸何益乎以祖宗積

養人才何至今日無一可任上以情求下自不敢以虛
應上以誠感而下自不敢以偽報唐臣陸贄有言舍已
從人以通天下之志又言兩情九弊以盡上下之隱職
顧天光下濟勿貳勿疑天子責成宰相宰相責成卿大
夫開誠布公共濟艱難職知必有心冀王室慷慨擔當
者矣不則交相推諉聽至尊獨勞于上衡石傳養未為
休明之盛事矧機務旁午掛一漏萬安能周知天下之
事而偏察天下之人哉

慎重王言

嘉植又疏臣每看許章奏而見命令之關係大也易曰
隨風巽君子以申命行事詩曰訃謨定命遠猶辰告傳
亦曰令重則君尊皆以明乎慎重也禮樂兵刑予奪賞
罰號稱治具所以布之一日垂之萬年發之睿密編之
山澤止籍命令而已言之不可行不言也行之不可久
不行也祖宗良法美意簡而當明而信守之三百年不
變自畿甸以迄郡國為是布帛菽粟無非常驚喜之事

習而安焉在上以之為道務在下以之為法守無弊也
迨至事變多端文法錯出日新月異迄無畫一考之繁
牘未見有一概然三歲不變者又謂朝廷有簡棄舊章
之意而後百姓亦有弁髦功令之心臣以為不盡由此
也蓋是非無一定之衡舉而措之動多窒礙者時也勢
也其流之失在廟堂更弦調瑟先開其端施于今者忘
其昔見其小者遺其大命意似長集事則短矣求名若
逃課實反鈍矣立法太密為治轉踈矣且入與法相因

為用者也朝更一人焉暮改一法焉人與法展轉循環而莫有定向逆以啟瞻望遲回之心而已原其初之不慎不得不得悔之于後然與其悔之後曷若慎之于初倘漸移習慣不能取信于民一旦緩急片紙徵發委加洋艘何以使之此臣之所大懼也願皇上彛訓作則明徵定保使事有成謀入有定志如用一人也必當而後用行一政也必真而後行睿筭布道確乎不拔庶國是無棄舍之譏文告無反汗之失道揆法守端必賴之若夫

綸扉重地政肯有恒辭尚體要無庸弗詢之謀謀必求
有據無聽經生之言言須為可大念天怒未回民力已
竭念國體當惜君德宜成布之四方何無悔罪之文告
爾多士應請消除之詔言而世為天下則是豈不補臣
不勝惓惓

審董民情

嘉植又疏反獲古今興衰之教不過依乎民情而已我
朝重熙累洽閭里宴安迄今為亂歎驚豈民之忍輕背

而甘心從賊哉亦願有以啟之耳蓋兵事起殿工興浙
漸騷動民方厭苦而朝廷不知止也繼而我辭繼而加
派繼而郡縣以催科為工考司計以搜括為事繼而黃
鼓細入流言流說以培瓦為希幸魚以高而威嚴訟獄
繁興民不堪命欲以此利而適以長亂欲以齊眾而適
以階厲豈不謬哉累歲興戎游屬災沴邑里邱墟版圖
凋落致海內若熬怨讎盈路此生民以來未有之厄也
世無采詩之官以什民言孰為明主聲懇者乎迄于今

不察天下之情尚求一切之法錢法鈔法一時並行在
朝廷為使公私不知細民昧立法之意而但疑朝廷之
取諸已也瞋目詰難者相望于道臣等策騎過時竊聽
巷語曰若守何為者不為百姓一言耶臣聞而愧焉推
而計之開採一事亦決有害而無利決有始而無終此
明知不可為而為之者也蓋治易勗之民宜待之以靜
不宜更予以端此非迂腐不道之語所云民情宜審也
然民非止求耒耨鋤之民也有四民焉孟子言發政施

仁而士農商旅隱括其中蓋泰士賤周士貴士貴而後
官貴官貴而後至尊今薦紳怙焉慮才不勝任偷安
避禍惟恐皂白不分褒貶失平其有跼跡不平莫如策
辨者矣竈戶罷而課猶仍津梁斷而稅未減且不敢觸
禁而來又重慮懷鈔而往賢逸無術都邑蕭條已如斯
矣臣願乘此青陽肇布君迎天和于官民之得罪者除
真正封疆賑賄重情外凡情可矜者不宜小開一網乎
至行鈔開採遂宜從長酌妥以安商民之業庶民情寧

謚國以永康望上弗謂民情未即至是也民愁于下致
天戒于上適者災變疊興風泗尤甚民不能言而天代
為咎者若是亦足畏也是恤也臣之所謂拊膺而永歎
者也

諸臣罪案

正月給事中光時亨疏言臣見同官孫承澤摺內有求
皇上下罪己之詔一款此誠今日轉亂為治第一要務
也自古帝王之盛猶原于四海之困窮責天省躬之六

事致罪已而興勅焉三代而後惟漢詔最著蓋漢承秦
弊事必更始故其諸所詔令迄今讀之猶可想見當日
規模宏遠今陛下聖明天縱亦何罪之與有臣以為由
于有誤陛下者其罪實不容不論或入已往而是非宜
明或入見存而賞罰宜當臣敢謬為縷指之孰為練餉
之加以致民竭夫骨髓兵亂于抽募者乎孰為撫款之
議以致邊臣因而束手戰士為之灰心者乎孰為催戰
以致八鎮精銳盡喪荒原遂貽重鎮孤注之憂斷榆關

犄角之勢者乎孰為繫挖河段以致汴城億萬化為魚
鼈反開冒功倖賞之門為親藩避地之始者乎孰為制
科可廢以致鎮帥跋扈譁卒生心即今武弁紛紛薦文
臣糾文臣救文臣仍踵其故知無所不至者乎孰為加
等之律以致刑名日濫善類推殘即今明詔煌煌議清
獄議停刑議贖罪猶碎難挽回恩膏未遍者乎此輩奸
深啟蒙苛刻相因附其熱者有立然之死灰逢其螫者
無不投之穽陷甚至无而效之使風憲大臣傳殺人媚

人之衣跡以遍肆蜂蠶竄伏逆紫逞如鬼如蛾之伎倆
以通制朝權陰險足以招敵寇慘毒足以兆干戈結轆
足以生疫癘乖悖足以啟天變反覆足以長小人當其
時或亦有小忠小信小功小利以互相欣動而不知其
騙官市廛者巧于鬻封疆提練護法者善于竊威福以
致財盡民窮神怒人怨皆此日漸月累之所為陛下試
一四思十六年來誤國諸奸歷歷如覩伏乞聖明立詢
廷臣詳開姓名欽定一策大誥中外使曉然知禍亂所

自起諸奸之罪業明而陛下聖德日彰明綸所布凡深
谷窮黎必感而泣弄兵赤子必悔而反以有唐奉天一
詔猶能動人若彼何況英謀睿斷迴出尋常萬萬者乎
從來是非而立賞罰必兼舉陛下先行此擊奸誅亂以
杜後起之僉壬旋及于搜滯拔幽以收失志之豪傑所
謂四罪而天下咸服舉逸民而天下歸心其此之謂矣
夫過亂有大勢猶有大機機之所在不可失也

京畿之計

正月總理屯務參都御史方孔炤疏言京師者天下之本也畿甸富強可抗天下而制其勝今日者非貧與寡之患而均安之難也故術貴變通機惟知恤生節兩端豈容緩計阜財詰戎宜先自京師始請以兵論則諸葛亮減兵省將之意為可師也兵未遽減當練土著將未遽省當寄有司今畿甸之民差役太繁鉅羅又密渙散此離實不忍言以臣所聞每畝約納糧一百七十八文雜差多至三四百文思避無門惟有投獻而小民之當

戶差重疊而無告矣即聖恩蠲緩而催徵自如邦本若
斯何能泄泄宜勅京兆尹順真撫按道府細察民隱盡
除一切雜差之最苦者力避重困大家巨室當茲惡難
一體均勞屏絕投獻詭寄之風賦役無私自然樂業然
後并覓本戶丁徭聽其本甲訓練鄉勇一名大縣可得
六七百人小縣可得三四百人此皆戶籍可稽不同淳
募妙選州縣正官廉惠勇幹者以當將帥之任每府則
修舉衛政為府標臨屬縣以聯絡之文不妨兼武外衛

不妨兼京衛小縣如殘不妨併入中縣本縣若勁不妨
併應鄰縣此所以為固守者大端備矣京營衛屯十有
二萬內堪戰者十之二三耳餘為城兵隨操無益稍為
調劑可積餘糧當事既已得人免操各稍通其德衛所
軍人既免選鋒軍改為兵軍田自在便簡舍餘原備三
十六萬之數有充軍民二差者免其民差可增丁壯每
三十丁抽一其餘助丁銀作糧大約三營與餘丁共練
戰兵三萬所向便能克捷若屯政既裕勁旅漸增此強

書

卷八

十

國所自始也請以食論則周官過圻地禁和糴之意為
可師也聖詔久頒保民與之二書而効尚未彰者有其
時而無其地有其地而無其人也請自皇上躬耕藉田
之典擴而充之凡上林草場諸禁地西北山諸禁水似
可勞之光之利自三倍其間朕王佳泉不下數千頃宜
勅該管衙門大興水利三春二麥便見充盈如難其人
則營衛之備兵與罪人之贖作皆可招應而來皇上慨
然為輦下光矣近臣親臣勇于倡義者但能備本別壑

荒蕪信行賞格所鑿之利仍歸各姓行之番庶穀粟自
饒矣秋間御前四十萬為利權本誠為至計更宜設法
招商寬其權課而後各邊會通有無不至窘乏蓋漕已
半耗後運虞阻勢如草昧創起艱難若復以承平之規
速望轉輸恐不能如願也惟行歲內其效逐年而見此
富國所自始也今先景已逼振舉在人伏望勅諭官府
內外一體同心各衙門冗員冗食為公樽節凡一切損
傷民心破碎民財者盡為釐剔使百姓忘勞而忘死民

山書

卷六

十一

心既得兵政自嚴冒破自者親上自切次第施為不外
于均安和而已矣

文武之用

又言伏見皇上惕厲愛勤于上百執事恪恭奔走于下
詔求直言由功使過似無留良然用崇禎十六年之藥
以治天啟七年之病而群臣奉行未力者政多虛文習
尚阿諛官如傳舍人避嫌疑故也夫君尊臣卑天澤遠
懸然下濟上行道存交恭世雖大亂定有一代之才足

充佐理第恐違器易務奴織婢耕而從前用人之人多
藏媚嫉積分意見不樂切劘是以兵機暗錯貨殖中飽
守例循規多庸人之塗飾改弦更轍慮蒙傑之所馳反
嘆海內無人而聖主獨立于崇高也循以文臣論之天
下之蔽也時情重內而輕外忽畧親民之官競走清華
之路如翰林院之祭酒都察院之督撫皆輕為外官矣
至于封疆踴吏尤為人所鄙薄獄案而後忘于權要者
每借封疆以託塞之吾人登壇推轂其重若何而今僅

供權要之一擲也皇上深察化源不難時遣侍從清班
出任道府然功令選賢無分內外時情甄別未免陰抑
而陽崇恐未勸也天下治要惟在言路得人為其批鱗
逆耳敢犯天顏塞違昭德厥功甚偉為其發大奸糾大
貪以一身當眾怨之數故程陞四品京堂以此示優而
猶有唯諾取容者一旦盡推藩臬士氣若索索然亟宜
特拔建言忠讜諸臣立賜超推偶詿誤可原者即還其
官然後曉然知明主休容之威惟期盡忠立節內外總

不擇官為至公也夫邊材蓄于樞曹出為邊道督撫進
為樞貳復出歷戎行莫非苦境而國所最重者無如疆
臣故舊制九邊三年二級又年終甄別零捷亦叙誠重
之也今腹裏從未設兵之地大寇縱橫千難萬苦乃功
令所切責臺省所糾彈監軍所齟齬法司所鍛煉無非
疆臣而已亟宜大破常格略迹原心勞逸相酬功過相
準使封疆之臣樂而忘死尚有可生之路且大小臣工
耳不聞鐘鼓之聲目不見旌旗之色復游趨逸素養得

意者亦復何限乃獨于二三疆臣終日與死為鄰者半級一階錙銖比掣不幸又遭奸權所中傷目為破甑然灰不能洗蕩于廢鼎真可惜也天下精神俱向四衙門清華既已淪肌浹髓是則作養邊才定宜取以四衙一席虛左待之斯無不勸矣請以武臣論之夫兵興以來歲費二千三百萬孰為耗武臣耗之也貧民耕鋤胼胝析骨易子以累千萬不能當驃騎材官敵兒美女之尾閭燎原涕泗寧不寒心抑又縱兵殘民所過一空淫掠

毒痛充逾劇賊君父深恩寸心何忍所以然者連刑之
律雖設而不能行督撫失權節制藐如草芥且虛張塘
報叙錄借差官爵既隆吞舟漏網大帥為三軍之表率
而跋扈梟雄以搖衆至指火于股不逆俱形文吏反為
贅疣豈可追其激變漢有汲黯而淮南寢誅唐有崔祐
甫而李正己落膽由于中朝有久在也宜亟樹社稷之
臣恢宏忠義敦尚風采振勵紀綱澄清刑政剛闢外暴
戾潛消武夫之敬信自服所謂詔下膏澤而將士投戈

者此之謂也。至于養將之道，全在偏僻小部之中。彼其氣概不凡，屈抑入下，而監軍使者但視大將之結交，誰察行伍之勞績，是宜時加獎借，使之名望旁通。夫人誰不好名，而得名即可以奮志。凡錄叙主將，必先報其部級，不必首其親斬，則奇士之材可羅致之。幕下矣。榆林將種名家，背城一戰，誓不降賊，就義甚慘。祭鄉宜速，又亟多採其鄉人，分途招其遺種。前通甘肅，寧夏諸邊，及都護等奉勅，密馳宣布祖宗畜養之厚，恩重懸賞金。

帛示以大信結以陰符必有感動而起應者夫斤斤株
守三晉而防河無力也招三邊聯者族以復關中而後
三晉乃安也雖偏聲渡河此謀仍急抑職尤有請焉今
夫營營逐逐冀得一官一職者尋常等類而英雄豪傑
非多方招徠之則不得焉乃習氣相沿預防嫌隙為大
臣者吐哺握髮延攬天下士猶恐惟日不足而吏兵二
部相習閉門自鎖高標一紙于門曰聽選官員不許謁
見此何等時也職以為不然夫提躬本潔何碍周知若

禮貌不交何由皮相天下士之願立于朝者為其當事
大臣愛惜人才樂善不倦故不遠千里處此珠桂之地
乃終年不見一面如隔絕異鄉按圖索驥而能得人才
長短之數巨細之衡乎用人之人茫然莫辨坐此弊也
宜勅府部館卿臺省俱以親賢忘勢為第一義外院司
道府以下莫不皆然人人以得俊受美名為士當工賞
其未能品題人物夾袋空虛者即非嘉謏也若端揆元
臣位高百僚但宜坐而聚論開門受謁不必杜轎車騎

疲津賁趾定此禮式而後長幼之序安或分沐以集聽
或退食以諮詢出通下情入告左右人材位置政如父
子兄弟合而誅家然後文武之銓除必有不可勝用者
也

法令之源

又言恭讀寶訓蘇州民有言治安策者太祖覽之曰久
主之心當以愛物為主治國之道以用賢為先致治在
得人今此人首言法不知務矣又尚書陶凱曰整齊風

俗必以政刑先之然後教化可行太祖曰教化必本諸
禮義政刑宜先之苟徒急于近效而嚴其禁是欲澄
波而反汨之也職令繹祖宗所以治安益審益子之言
徒善徒法信道信度天下猶運掌也恭遇皇上神武在
握乾健自強當內外之交訏克秉成憲職履觀廷試策
語務在得賢才之心職舉手以為執其要矣蓋緣承平
日久各衙門奉行故事賢傑者不必踴躍其所長庸愚
者亦得補苴其所短故文網牽拘操一切之法可以循

理而治今非其時也變而通之鼓之舞之有在于法之外者請以軍機論之祖制文官不與武官同罪文官以七品起家武官以四品起家先賞之而後戮之近因多事督撫比照守邊將帥之律而督撫擐甲介馬常在武臣之前矣崇禎初年文武並論撫按並處後來專治督撫從前歷案文臣之死信于武臣非謂必苛武而宥文也從前大臣未諳軍機第恨曰法不行耳于是恣弄威福專意摧殘全無長養自楊嗣昌一出逢迎專治督撫兵

脩致身亦與俱盡悔何及乎頃者東協一策斬兩督師
兩巡撫一總兵一參將尾大者且飄然去教文武兩途
權術者善脫身于空處忠實者每受挫于寡援所以多
誤也孝救十年一戰始破單于周亞夫堅壁不救梁一
戰遂滅吳楚故有計慎重而似逗留亦有當殲渠而反
養寇廟算失之亮整疆場差之千里其機在庭不在邊
也夫十年生聚十年教訓自古已然倘氣候未到勢力
未齊選材而使不覓厥用錦松一催潼關再催其機已

如此美哲所嘆今日者邊將如吳三桂唐通等當思所以保護之矣職前條議軍制不宜多官者細柳之言曰軍中但開將軍令不聞天子詔漢帝按轡徐行勞軍者重其事權也年來武功不效病在官多而兵少既設一巡撫又設一總理總督已多矣又設一監軍御史又設一察辦或又設一內使又設一關部每差一官必多一官之恭題每多一事必多一事之意見人人自以為大將事事爭以為奇謀重臣既在行間武將必分兵以相

衛耳目潤膚愛憎互起彼已挑激大小驕詭甲功乙罪
此掩彼攻所謂又人員言師中錫命者亂矣安得精神
相貫謀智相資督撫輕搖不能制部伍之命故易憤耳
宜定專方之寄罷交攝之官使軍中號令出自一大臣
如臂使指如姊承夫內無中制外無旁撓此軍機之所
在也請以人情論之歐陽修曰舜有五臣為一朋武有
十亂為一朋師師萬萬道德相勸過失相規志難相恤
五倫天性所當然也今士大夫各顧身家每見朝廷大

處分倘有太甚視為路人夫申救之路斷則朋友之道
絕而君臣之義傷矣自史可法申救吳甦而外搢搢者
寂然則書生祝淵之訟劉宗周亦渺然矣而天有雷霆
之威豈輕施于螻螻耶漢陳涉反代趙地多失所司捕
群縣吏待之高帝問曰若輩反乎對曰非也力不足耳
盡赦之不難以四千戶慰趙子弟是乃中乎機會乎情
也今臣下進而趨朝退而泣室父子不相見兄弟妻子
離散飢餓不能出門戶者比比然矣不幸戴罪幽繫囚

圖之中龍高金魚游魂五楫或擊奸摘伏或戮力戰功
而死傷滿家囚有裹頭或厲氣臨城先焚婁女誓不與
賊俱生帶刀染血死而復生者是皆陛下作養生成人
之于子心腹之于手足痛深在念堪與荷鋤秉耜教萬
死以廣浩蕩者百執事三空四盡矣往年張鳳翔三月
之中能郎者四十萬可謂勝任矣假令積歲當得千萬
不幸為去輔所擯不與協理法無所報律令七十歲尚
准收贖何況老臣惜未有慷慨悲哀為皇上西陳者古

人不難以十五城易以膏靡此臣無足惜願陛下思以
招徠天下士也如成勇葉廷秀守直懇用橫屢經推劾
失平曉然大凡罪廢一途各有本末若夫忠被讒信蒙
詬者道路莫不憐之此人情之所在也伏見皇上乾斷
大政典情教然如罷王應熊以消黨禍赦王永吉以恤
勞臣真符軍機人情之竅條而又內外兼拜入閣風動
俊傑中興有象而徵臣所請獻者凡遇行間在道法而
識機凡衡用舍在就法以得情未可操一切之法齊之

以刑謂天下無難知之哲也

富強之本

又言竊惟禮義廉恥之道王得其全霸得其半故管辨
以此理其財政孫吳以此治其兵法自非然者富歸私
門強為逆工所謂賊民興亂無日矣朝廷獲天載地治
道甚宏有言責者有官守者有分理兵農錢穀者有執
持紀綱進退人材挽回風俗者如三十幅合為一轂不
偏廢也故學術明則人心正官歲端考課實而富強之

效日積于公家矣萬歷之末有李贄者著為藏書顛倒
聖教稱恭始皇為開闢之聖君稱武則天為女中堯舜
稱馮道為大臣貶王陵為逆賊不以孔子之是非為定
本而雜聚男女講佛為學道無父無君士夫若狂破禮
蕩義殺廉解恥釀成世道之禍天啟初年臺臣鄒元標
馮從吾高攀龍等起而講求忠孝一時極詆為逆妖盡
逐善類拱手媚璫公私攘竊傾危計日卒遇皇上明天
澤之分從邪正之心以振紀綱于不毀而其間不肖大

性不學無術志圖私飽以公忠體國者為假道學以阿
諛軟熟者為真作用故賄賂之風不盡改權巧之實不
盡絕以刑獄重情為報怨之數以清華安地為私入之
宅直懣者謂之黨雷同者謂之公死節不必獲逃叛不
心罪以致盜臣接踵偽士比肩是則敬天勤民精以聖
學者惟皇上一人而群臣退食委蛇惟奪權利而已矣
貧弱之症中于公家從前不肖大臣衣錦膜玉者各滿
其襟壑而去每遇警動不過捐助數金負馬一二匹止

矣其自好者閉門不接一客止矣大臣之道奚取焉夫
使才情氣蕩之人各予以富貴之路使砥節抱道之人
獨優之以不戀富貴之名使知夫君親當事不慕虛無
使知夫奉職守公不敢欺誕使知夫虛懷廣益不居驕
慢使知夫筐篚橐囊知盡能索以干進者廢然而無所
可售天下有不大治焉者乎故禮義廉恥之修明也先
責大臣而後責小臣先責清要之臣而後責疎遠之臣
嘗稽宋時秦韓史賈之奸雖壞于朝而濂洛關閩之教

實振于野故張韓劉岳發聞忠義之風自矢腹心之節
即使貪使詐無過武臣然咸繼先所著紀效新書自謂
從正心誠意得來故樹立有本善達不拔倘大小臣工
不能互相勸勉互相警戒而必待朝廷刑賞之所及乃
加塗飾焉則刑賞之所不及僥倖苟免者固已多矣誠
令學術大明人心各正以之掌財必不營私而耗蠹以
之守兵必不恠怯以冒功以之官人必不賣爵而鬻壽
以之取士必不偽售而真遺以之考課必不徇名而廢

實以之居家必不數彝倫而盡俗習焚香夜告東帶晨
趨必不肯甘負我皇上憐才省過之至仁尊賢訪道之
至業而富國強兵玉帛並行而裕如矣

變化之治

又言竊照夏稅起于丁口秋糧起于田畝祖制深遠
慮寓兵于農有司不察每逢十年編審黃冊第視畝多
者加丁畝少者減丁是一田而常兩稅也戶口既漏游
手何啻億萬而農田困矣自衛屯浸沒軍不任戰于是

書

卷六

三

募兵之費加于民而農田透稅用不可支矣今搜括
殆盡莫非農力無計可重徵惟戶籍之中一通變焉一
曰免軍籍同民籍凡軍籍之家原有一枝當軍他衛每
過十數年歸宗勒取軍裝大戶當派二三百兩小戶亦
百兩不等今其軍之絕者屯田為人所占其不絕者亦
既已長養子孫承伍矣祖籍軍名似可革除合無凡係
軍籍許納軍裝銀免其勾補為民籍此一項當得千萬
而在民自樂輸矣若曰後來勾補無路衛所空虛今欲

定屯書內開民屯軍屯者免其閔罪通許照民田起科
不如按屯畝一畝起補軍丁依然舊額籍不減也

化客兵為屯兵

又言天下荒蕪皆因兵虐將官好暴總在挾折色于箱
內略本色于民間宜下令領兵之官如賊未能一時遽
滅凡十名之內量分三四名就近屯營便受上賞使浮
游剽掠之徒得此懲制受四五十畝者立為主兵暴亂
自息營園有地賊勢自解或曰岫強兵將安肯耕耘然

政惟斯術能消其崛強也名將賢將必能行之此利一
興而眾樂赴矣

關屯籍以實軍民之兩籍

又言昔漢興徒屈景大姓于關中所以實戶口也今干
戈尚投民不聊生若徒大姓茫然難從惟奉屯書條件
賞功贖罪興學加級眾孽易舉利在無形夫其墾闢若
干畝倚屯籍于各州縣一經土著未得輕離此極實之
政也或曰墾地舊荒使符開熟誠為增戶若新荒初熟

本有額賦何為增加既得屯籍卽失民籍不知新荒久
枯又成積荒逋賦又無足額之日今有原主者原係民
籍第裕之來其丁盡戶絕者用移成興學之法自不期
而會矣行之十年西北方戶口大可聚邑都矣夫國家
之政猶天道也張之弛之與時推移變則通通則久帝
王之道也古者負版必武料民為法若今用二用三俱
出田畝安得而不亂且古惟四民今乃六民農耕之士
工商食之釋老又食之既代軍而出兵又代兵而出餉

皮之不存毛將焉附大江以南人情惑神好鬼養禪秦
巫其僧田之富僧徒之衆不可億計游手而食租稅豈
無有以編審之耶苟痛念衣食之源農力之困是不可
以不講也

疆臣之善

又言今天設官分職粉飾治平周旋結交及瓜期而告
代非甚愚不肖能循引套語以卒所事從容階級坐陟
崇隆而至于用兵克敵則賢知而有愚不肖之憂何也

有其材力有其氣候更須有其多助有其利權然後可
以集事自有其事以來勞逸不均內外偏畸其清華榮
膺之地燕安資序一歲坐致超遷其戎馬劍戟之場舉
足易生罪咎如以辦賊為賢勞自宜多方愛養之以恤
其私不必操文法之煩苛以掣其肘而驅之死如以不
能辦賊者為庸碌不必宜混舉邊材雖填塞膏肓使之
困憊以悞封疆不特此也疆臣身雖在外而精神常傾
在內長安道上議論不一見聞各殊或詭謗之忽生或

好惡之多忤或彌縫未到臆智皆府恣之門或憑藉有
根重張亦論叙之地况兵火不熄邊腹盡成枯槁掌兵
之官窮苦已極平素不能交際臨急安望流通切責一
加趨踴弁領其位憚恹操文墨者但知嚴刻為奉公而
疆臣雖千斤之力乃肩萬斤之擔用過其力歲時又沒
心情必眩暈似秋蓬朝受命而夕隕效萬有不能效體
臣而無內外之助者志謀終不伸功業終不就也凡用
兵之處人臣各宜仗義各樹門庭罰美餘理宜多損以

死馮賞罰誅之資勿得飽秦人之肥視越人之瘠而不
相顧甚且衙門可裁者宜裁之以并軍需然後正餉之
外軍容乃裕機數乃行不然僅僅五分八分之餉朽腹
不待而貪饕之并日腹月削而欲望其遵奉什伍責其
死命焉有不能故疆臣而無在外之利權者營壘終不
壯手足終不展也近時所尚以說虛話做實事者為巧
宦以做實事說實話者為痴人而痴人每每大不避誅
小不避譴究竟為朝廷出死力仔重肩者必痴人非巧

官也其安樂者另有一種有福之人其患難者另一種
匪躬之士詩曰騷人好好勞人草草此之謂也敢請凡
用疆臣審其才力或北或南務使人與地相宜加其愛
護其歲月通其疾病勿以偶誤遽罰勿以一者致更凡
正偏之外可以充軍實者乃聽其便宜坐殖凡有掣肘
衙門從便擢撤使得盡心力為之為之不效天然後從
而刑之則名位不輕授而報稱不虛飾矣

調遣兵入衛

正月賊氛告急兵部至內閣言賊勢甚大非得平西吳
三桂薊督王永吉密鎮唐道合力一戰不可閣臣言當
奏請旨商酌兵部即而奏帝是之密諭閣臣曰調三桂
馬兵助勦餘兵尚多乘流賊三邊新安頓未定之時此
看似不可失即督臣王永吉請旨所言或亦不出兵餉
兩匱關寧不能互援之意此等重大軍機應行與否原
應先生每主持擔任未可推諉談事閣臣陳演以為不
可招云一寸山河一寸金錦州告警寧兵萬不可調帝

復諭守城一事前已經廷議宜速宜斷未可猶疑車修
中前移守士馬收守關之效成蕩寇之功雖屬下策誠
亦不得已之思先生們即擬旨來行如必再議先生每
即刻會官密議妥確來奏仍將各官議語各行親書備
覽諭下內閣集府部六科于內朝房而議之衆官議論
不一反獲利害京師與寧遠孰重禍在城下與寧遠孰
急其時王急調者成國公朱純臣倪元璐金之後吳麟
徵孫承澤教人與兵部議合遂繳議單隨出旨云兵部

議是又發票到閩陳演又具摺以為外邊督撫未必未
亦當僉同乃請聖諭一道差官前去會議之次日麟徵
復上密疏極言前也夫而寧遠必不可守撤寧遠之兵
以守關調吳三桂之戰兵以殺賊目前急着不待再計
而決疏下閩陳演指候外議不肯票大學士方岳貢復
移書兵部不應倡守關之說

告廟遣將

正月帝憂寇之甚大學士李廷泰自請曰臣昔入頗知

寇中事臣願以家財佐軍自往辦賊又曰進士石蔭願
軍騎走陝北連甘肅寧夏之兵外連羗部召募忠勇勸
輸義餉勦寇立功即不然亦內守西河扼吭延安使賊
不得東渡帝喜甚曰卿若行朕當倣古推轂禮于是于
正月二十日以特牲告廟廷授尚方劍復諭本月二十
六日行遣將禮畢朕御正陽門樓宴餞督輔並召五府
掌印內閣輔臣京營總協六部都察院掌印官侍坐鴻
臚贊禮御史糾儀大漢將軍侍衛應用法駕宴桌作樂

等項內外各衙門預行備辦整理其護衛隨從守把巡緝應用官軍旗番人等看廠衛京勇城捕等衙門各行酌量撥派民棚接應俱免折卸不許官役滋擾至期遣官告廟後行禮至將午上駕登正陽門官軍旗番十餘萬自午門前排列至正陽門旌旗金鼓甚盛李建恭叩頭致詞帝慰諭再四即賜坐列席賜宴共十九席又東十三人為三行武西六人為一行御席居中酒七行帝親賜建恭酒三盃即以三盃賜之復自撰勅御筆親洒

龍牋即于門上用寶手賜之勅曰皇帝欽命輔臣李建
泰督師親書勅旨朕仰承天命繼祖弘圖自戊辰至于
今甲申十有七年未能修德尊賢化行海寓以至兵災
連歲民罹水火皆朕之罪至流寇本我赤子竊弄兵戈
流毒直省朝廷不得已用兵勦除本為安民今卿代朕
親征鼓聯忠勇表揚節義獎勵廉能選拔雄傑其驕怯
逗玩之將貪酷倡逃之吏妖言惑衆之人缺誤軍糧之
輩情真罪當其即以尚方從事行間一切調度賞罰俱

不中制御宜臨事而懼好謀而成
荆則真荆穢柔宥脇
一人勿得妄殺撫則真撫投戈散遣萬民從此安生以
卿忠猷壯略品望夙隆辨此裕如特此簡任告廟授節
正陽親戲願卿早蕩妖氛旋師奏凱侯封進爵賜彝銘
功有功內外文武各官從優叙賚朕仍親迎慶賞共享
太平預將代朕親征安民靖亂至意徧行示諭咸使聞
知內臣為掛紅簪花鼓樂導尚方而出

時急需才

二月初三日刑科都給事中孫承澤請釋張國維等疏
曰臣嘗讀唐史至德宗欲殺陸贄諫官陽城曰不可使
朝廷殺無罪之人于是率同列伏闕而諫將軍張萬福
年八十拜請諫官曰言官肯言事天下太平矣臣竊慕
之夫德宗收主也而城能死盡言職如此臣生昌言不
諱之朝官刑名封蔽之地乃逡巡顧慮有懷莫吐反躬
自責何以為臣今敢訟言于聖上者有六人焉原任兵
部尚書張國維湖廣巡撫郭景昌浙江巡撫董煥恒兵

科姜埰方士亮部臣尹氏與國維身任中樞大兵在門
不能運籌制勝早紓君父之憂何得無罪然國維清謹
之品軍旅非其所長向年撫燕大得民心總河數年道
路梗阻運轉不置有功國本特簡中樞受事未久其罪
可原景昌個儒之才平日以岳武穆自況身在成所授
節鉞洛陽已破無家可歸乃于山西士紳徧行借貸召
募壯丁間遁入楚以圖報答不謂中途遽有繫逮之命
至象恒臣不知其生平亦不知其政蹟但聞緹騎到浙

闔城百姓擁塞號哭竟至罷市觀其深得民心則其生平政蹟可知姜塚之罪起自故輔今故輔伏法而同時之熊開元久已訖結獨塚猶羈滯獄底情深可憫方士亮尹氏典隨故輔軍前監紀雖無可錄之功亦無阿比之跡况還京之後辭賞不受其心可知此六人成案俱在公論甚明臣既有知敢不陳列上請臣尤有言者當茲內外多故時事日艱每見大小臣工一經受事率多不效或膏血沙場或受鱗西市或遶禦魑魅或星沉貫

索蓋纍纍若若矣以致過缺會推托腕乏人既斷要之
交登亦襟肘之兩窮豈世遂無材一至于此蓋天之生
材有數長養則出焉挫折則盡焉理有固然臣之敢于
輕噴宸嚴者又不止為六人惜也臣垣前此為請寬貸
獲蒙重譴臣豈不知一念之過止以身有言者不敢不
以人才當惜效古人伏闕之義倘有一毫徇私市德之
心則願二祖列宗在天之靈顯殛之此又臣所自信並
求信于皇上者也疏入次日御文華殿召內閣三法司

入對帝手出詠澤疏偏示之寂無敢言者時工部尚書
光景文新簡用入閣獨出班頓首曰此正臣所欲言不
謂該科先之也因亟言六臣罪有可原尤力薦國維景
昌帝命俱從開釋國維景昌准起用景文恐帝反汗也
又奏曰皇上一日而釋繫臣六人此皇上浩蕩恩也宜
以特諭頒行該科疏但票該部知道是矣帝喜隨下一
諭六臣俱出獄張郭二臣以總督用

夏切時事

二月工科都給事中汪維效疏言世之不能有治而無
亂有安而無危豈非天命哉君相不可言命造化生于
其心君亂安危之政盡歸幹旋而天弗違殷宗周宣千
古為烈也今天下不可云治矣不可不云危矣奈何四
郊多壘卿大夫不耻九重宵旰獨勞而奉公憂國盡瘁
匪躬者未數數然即痛哭流涕如賈長沙亦未多見也
臣竊憂之夫處不諱之朝事容諫之主奉有各官能極
言無隱的自有裁鑿不必疑諱之明綸而稍有違古人

而從後言之戒臣不敢也請就今日內外可虞者盡言
無諱可乎其一曰疆宇沾危之虞祖宗柳風沐雨肇造
區夏三百年来如金甌也今三韓越在外境楚豫關陝
之城半阻聲教寇戎日耀于河朔邊烽夜達于甘泉抱
虎枕蛟事變叵測又况湖南穴獻西蜀潜螭而建牙誰
足韓范專閫誰足頗收臣故曰可虞在疆宇也其一曰
政事紛紜之虞外寧必先內治戰勝全在廟謨今碩畫
周開辯言易亂過仁義而慕申韓薄節愛而謀秦孔務

瑣屑而忽大體厭率由而尚新奇多方生財何益錙銖
破格用人徒成僥倖隸給可以操推轂之權節鉞轉而
仰兜鑿之息紀綱凌夷法度廢弛安望奏廓清之烈哉
臣故曰可虞在政事也其一曰士氣頹靡之虞禮義廉
恥國之四維從諛成風波流同途名節之搏奪于姦進
梯榮之念職掌之重廢于瞻風望氣之私孤介峭直不
合時宜唯諾拳而遠是逢世聚貨借希寵之題懷刺作
呈身之徑好官可以耐笑罵暮夜不難欺四知又何怪

乎百鍊繞指清流揚波也臣故曰可虞在士氣也其一
曰民心離散之虞億萬其人億萬其心獨忠孝一念維
繫不解此可仁義聯非用刑威束也乃教化不先征求
無執藝撫字拙而政朴能室廬空而追呼迫功令稍嚴郡
邑愈厲流弊困苦怨積怒深科有緩急且思乘為不逞
開門揖盜聞風鳥散又孰禁之收拾不早舟中皆敵國
也臣故曰可虞在民心也其一曰言路壅鬱之虞君有
過則諫言官職分固然苟知忠愛誰忍緘然而煩言易

獄激言難改，諫不避近，名申救，遇切似市德，稍有
抵觸而慙，直為愆尤矣。或因一人而并疑其類，或用其
名而猶罪其身，于是庸庸者謂不言之罪小，多言之罪
大。鳴鳳無聲，蔡犬不吠，豈國家之福哉？臣故曰：可虞在
言路也。其一曰：人才匱乏之虞。有霍衛而封疆拓，有管
葛而國事治，有曆滂而士大夫之氣清，有龔黃而兆庶
之心固。有汲黯、魏徵而諫諍之路廣，百凡治術，總歸用
人。乃者，藉率多遺逸，清卓平屬推殘，一膏掩大德之光。

既去斯長安之夢遺大校殷勤刀難割折衝禦侮螳臂
弗當司銓窮夾袋之藏會推矯推轂之舌噫果無材耶
抑長養封殖未盡其道耶故曰可虞在人才也益之告
辭儆戒無虞天無虞猶儆况多虞乎此正我君父交儆
之時臣何敢不盡言入告共圖淬勵也

釋奠風變

二月工丁釋奠先師遣大學士魏藻德行禮是日天氣
晴朗陳設既畢陪祭各官齊集大成門外及至臨祭入

而排班立足未定大風陡起松檜怒號飛沙如雨廟中
燈燭盡滅廟中執事者倉皇奔出不能成禮而罷

下詔罪已

二月詔曰朕嗣守洪緒十有七年深念上帝陟降之威
祖宗付託之重宵旦兢惕罔敢怠忽乃者災害頻仍流
氛日熾忘累世之恭養肆廿載之充歿赦之盍騎撫而
輒叛甚至有受其煽惑頓忘敵愾者朕為民父母不得
而卵翼之民為朕赤子不得而懷保之坐令秦豫邱墟

江楚腥穢罪非朕躬誰受其咎所以使民罹鋒鏑蹈水火殫盡以罄骸積成邱者皆朕之過也使民輸芻藳粟居送行齋加賦多無藝之征預徵有稱貸之苦又朕之過也使民室如懸磬田里汙萊望烟火而無門號冷風而絕命者又朕之過也使民日月皆凶旱潦游至師旅所處疫癘為殃上干天地之和下叢室家之怨者又朕之過也至于任大臣而不法用小臣而不廉言官首鼠而議不清武將驕懦而功不奏皆由朕撫御失道誠感

未孚中夜以思踴踏無地朕自今痛加創艾深省夙愆
要惜人才以培元氣守舊制以息煩囂行不忍之政以
收人心蠲額外之科以養民力至于罪廢諸臣有公忠
正直廉潔幹才尚堪用者不拘文武吏兵二部確核推
用草澤豪傑之士有恢復一郡一邑者分官世襲功奇
開疆卽陷沒脅從之流能舍逆反正率衆來歸許赦罪
立功擒斬闕獻仍予以通侯之賞於呼忠君愛國入
有同心雪耻除兇誰無公憤尚懷祖宗之厚澤助成底

定之大功思克厥愆歷告朕志

分遣內侍

二月分遣內監高起潛監視寧前鎮盧惟寧監視天津
通州德州臨清方正化監視真定保定杜勳監視宣府
王夢弼監視順德彰德關思印監視大名廣平牛文炳
監視衛輝懷慶楊茂才監視大同李宗允監視薊鎮中
協張祥民監視西協曹化淳監視京城守禦給事中戴
明說上疏曰臣頃見內臣之遣一刻十員臣不勝慚悚

夫使諸臣盡瘁恪職中則燮理之有成外則安攘言責之允當何至以兵燹遺君父陛下亦何樂有中官之出而遣之是今日大小諸臣萬罪萬死有不必言但臣恐端端蓋以往事言之漢唐宋之開創中興我二祖之廓清聲造名垂竹帛纍纍多人而未嘗及中官蓋中官可用古昔用之久矣而未前聞也以近事言之數年之內中遣屬行屢撤使中官果有實效則敵可不入入又不烈矣而併未前聞也從來地方有一總監監視則合督

撫文武諸臣精神物力只燕管一總監監視而不違即
至文武卑微者不能近總監監視而亦周旋于把牌中
軍至衛靈蒙棍不能近把牌中軍者亦依附于私房下
校稍習隱痛誰敢指斥誰為窮諾臣戴罪潞庾正值分
與孫茂霖受事群情拂鬱稱苦每于退食三嘆嗣後茂
霖移薊門封疆敗壞旋亦伏法不聞有益無害況今日
人情事勢風鶴百倍疇者可慮豈不更大耶草疏未畢
旋接垣抄有奉大典納銀四十萬之旨使大典而完此

得免是貪可亂法恐無以警貪者之心倘大典不先復從而罪之是罪愆不罪貪恐并無以服大典之心一旦分宮禁之中使持催索之明綸王言國體應各珍惜似不待再計決也

止宣雲監視

二月兵部車駕司主事金鉉疏言痛自逆賊被秦以來山西河北截南風鶴未萌而官民俱已奔潰即有一二仗節不屈之士乃踈于防範復為逆民所圍如撫臣徐

標者久不足為國家之翰蔽今真保之間警報少緩而
代州已陷賊鋒正逼大同賊哨且至宣府職于初五日
聞報方寸驚惶竊謂天下大勢自此去矣蓋逆賊欲犯
京師誠慮宣雲統梅雄鎮其中勁旅難與爭鋒是以欲
先取燕雲然後與畿南賊兵合股并力以逼王畿無所
更為顧忌設謀誠狡為憂誠深臆正在彷徨適有人自
宣府來京就而問之大有可恃蓋大同一聞賊報代藩
即散財發粟鼓勵兵民魚之撫臣衛景瑗亦能協力固

守有屹然不動之志而宣府撫臣朱之馮夙秉忠清之
操兼有遠略殊得士民之和合城士紳富戶不下二百
人今有汎地每人各募勇士乘城指給賞糧不僅望內
解亦不取給民資人人願效死勿去此自逆賊破秦之
後數月以來數十名城所未有者賊萬一來攻必可以
老師挫其鋒倘有勤王之師共乘間而謀之則賊可殲
而京師之干城端在此矣惟是一切守禦方略料理已
定忽有欽遣內臣至彼未免以己意多所更張上下官

民反致撥亂又聞內臣之節制又不知果能嚴前否也
若從此人心一渙大勢將不可知宣雲不支臣恐有不
忍言者臣世居京師性命身家視皇上宗社安危與共
是以昧死陳言非敢沽諫內遣之名亦非故為躍冶之
舉萬望皇上收四成命將宣大監視內臣即刻罷遣玄
初兩鎮諸臣嘉其忠義責以後勁俾終始兼安貞之誠
與民固守仍出奇設伏以屈賊鋒再調勁兵一枝聲言
合助以資其犄角之勢則京師可恃以無恐矣尤望皇

上因此兩鎮以例其餘倘有督兵重臣之處果能精戰
守之固則所遣監視可次第而罷以一其事權天下事
尚可為也

時糾邪說

二月兵科都給事中戴明說糾李朋詹曰適來校寇披
猖惡氣漸逼城不夫于攻而夫于獻計不出于守而出
于迎在廷方憂萃渙之無方而不意邪臣乃敢煽亂而
不避前東閣一議謀國者不知何見而有國家大計無

避忌辭之問而動搖之邪說隱顯附和不一而是其原
議盡在聖明洞鑒矣逢人諛吹到處狂哮則孝明睿為
最甚至引有天下者不顧家及漢高分羹之說大言于
樞臣之家一時同官諸臣聞者無不怒駭數日來風鶴
以疑端而益驚朕顧以瞻望而益甚士農工商以那皇
皇胸中各懷一去志者楊時有言曰今日之事當以
收拾人心為主人心不附雖有高城深池堅甲利兵不
足恃也今時勢方在岌岌寧堪鼓簧招禍如此臣懼滋

甚臣恨滋甚恭惟陛下以堯舜神武之資十七年無宴
安之圖極焦勞之苦殷憂實以嚴聖多難正可興邦乃
諸臣不以入周台出方虎自期乃公然進唐宋退避之
陋習踵汪黃侂冑檜之故習灰烈士之心鼓逆賊之焰
甘心獲罪于二祖列宗天下萬世而不恤是奸細不在
絲林而在清班妖孽不在氣化而在人類也使目前而
渙散之膏肓不拔則洵湯之流訛不消邪妄之誅鋤不
嚴則枯亡之忠義不憤伏乞陛下將邪說之臣竄殛其

人榜示其罪以為痛感人心之戒

請誅庸輔

二月薊遼總督元為事官王永吉請誅陳績訖曰臣行
次玉田聞即報該閩臣陳績題為痛念時艱事奉聖旨
御公忠敏練佐理有年朕方倚望輔弼宏濟時艱乃因
國事多虞又兼有恙屢行面陳引退茲特允所請以成
恬讓仍賜路費銀五十兩絲緞四表乘馳驛歸里御還
喜榻以待後用該部知道欽此臣請未終憤懣欲絕異

哉奸輔敢于欺皇上復忍于背皇上至此極矣方今寇
氛已極豫楚秦晉開門揖盜望風納款川廣黔滇政令
不通貢賦不入問兵則士馬凋殘戰守坐困甚且殘撫
殺將反操同室之戈問餉則泉府耗竭本折兩枯實則
財盡民窮久無樂之趣要害不守咽喉將斷疆宇漸蹙
禍變日多此乾坤何等時乎志士飲血以長號忠良額
天而無路惟我皇上宵衣旰食焦思勞神正不知若何
憂勤若何憤嘆矣臣時定亂全在臣工有力者竭其力

有財者輸其財各辦赤心共勦大計或逆壽帷幄銷日
月之光或盡部疆場作山河之氣人人同仇處處敵愾
勢如救焚情同拯溺即未必轉弱為強轉禍為福五見
太平亦曰主憂臣辱主辱臣死分固無所逃情亦不容
已也乃首輔陳演者不開代策定謀輸忠排難俄作斌
以歸未忽飄然而颺去既非年已連暮何曾病入膏肓
引退無因殊駭觀聽或者逆料神京孤危急思全身速
害遂不暇為社稷宗廟計乎若然既明且哲演誠多算

矣其如皇上何當此危急存亡之秋付理亂于不聞方
將菜沙隄以緩步開綠野以怡情弄秋壑之芳踪享廊
隲之樂事天理良心滅絕已盡尚謂有人臣禮哉且國
家全盛之天下一旦破壞幾于不可收拾皆縲之罪也
昔繹明首佐理有年則非若百職事之效一官辦一職
不獲與聞樞密者比矣又非若新經簡在得君行政之
未久者比矣此數年中若肯公忠體國將天下兵馬錢
糧文武將吏經心著意實實打算一番如何禦敵如何

山書

卷八

四四

辦寇如何清兵如何措餉如何用人早早商量急急整頓何遂貧寡決裂至此乃一味欺蒙一句不肯直說一事不肯擔當把持朝綱變亂成法臣為外吏寵賄奸狀不及深知即如順撫趙惟岳急欲抽身遂謂密撫可裁巧為出脫保督呂大器黃綠擔卸遂謂保督可撤曲計彌縫江楚寇警留都震動高倬求去何遂并操江而裁之計典嚴重已露彈章邱祖德不謹何反舉東撫而界之以至江督甫任遽登司馬之堂則呂大器之神通大

也惟餉不繼忽奉回部之旨則莊祖誨之線索靈也他
如孝兆之貪汙而優陞胡世賞之庸鄙而起用諸如此
類不可縷指只此香灰情深顛倒任意目中何曾知有
聖明在上手及見事勢傾危委而去之危而不持顛而
不扶也則將焉用彼相哉皇上方下罪已之詔緘為首
臣何得脫然事外告無罪于先王耶近草木皆兵遠近
風鶴到處倡逃藩王不守封疆州縣不守城社所以狡
賊乘之勢如破竹京師四方根本正當靜鎮堅定以安

定人心續乃先去以為民望所稱腹心手足不二心之
臣固若是歟續元輔也以臣背主則不忠又元子也以
子棄父則不孝不孝不忠罪並當誅伏願皇上教續之
罪立正刑章俾天下萬世之人皆知悞我皇上者有陳
續在庶無損于天地之大日月之明耳臣為違臣討賊
禦侮皆臣之責豈因天步多艱紀綱頓廢遂令亂臣賊
子肆無忌憚輕朝廷而傷忠臣義士之心哉
時帝信用閣臣魏藻德首補陳演附和之癸未會試以

入燕王考餅藤德兩晉江黃景時蔣德璟前後俱罷至
是全晉教陷知京師不守又以首輔餅藤德免教及入
辭自陳佐理無狀罪當萬死帝怒視曰汝一死不足盡
其辜蓋恨前阻調邊兵之事也

請撤城守內監

三月刑科都給事中孫承澤疏言適日狡賊自蒲州過
河分頭四犯山西全省陷沒西路聲息不通蓋十餘日
矣京中喧傳賊破大同馳至宣府城中士民皇皇撫臣

宋之馮方集眾登城死守監視內臣杜勳同總兵王旅
先出城迎賊之馮猶自放一砲擊賊旋為賊執恨而碎
割之長安所傳皆同之馮少年正骨素以忠孝自矢其
臨難不苟見危授命可必其然而杜勳奉命監視之人
即為開門迎賊之人使手不控兵總兵不結為腹心即
有叛志之馮自當執而殺之然而不能也則監視之不
可恃而深為害也不獨杜勳一人可廢矣伏乞皇上殺
然震怒將杜勳弟姓名下內官在京者駢誅之示儆庶

加之馮官爵錄其後人以為效死者之勸見今京營輔
營內臣並宜撤回還其兵柄于總協大臣集各勳戚諸
臣于城頭分布信炮望上身自為將居中調度閣臣范
景文憲臣李邦華老成歷練曉暢軍事而景文守通州
守南都尤著明效望皇上令之日侍左右咨其籌畫使
京營將領劄營城外多設砲火使不敢近城飛促督臣
王永吉鎮臣唐通入援京師 民見皇上如此振作自
然人心帖定勇者出力富者出財重地可保無虞喫緊

元在逃撤城上內臣賊勢已逼亟斷施行則宗社幸甚
而百島生靈幸甚疏上不報越兩日上傳杜勳罵賊殉
難忠義可嘉加贈司禮監太監廕弟姪一人錦衣衛堂
上僉書仍立祠宣府春秋致祭其把牌人等查明另議

叛監來城

三月兵部疏言臣等按察營巡視御史王章手札內云
監有曹化淳王德化等昨夜將賊杜勳等暗用繩繫上
城不知何故人心洶洶變在旦夕等語臣聞之心碎髮

盜賊勢洶湧如此危急臣等累次至城闕欲覘城上守
禦情形輒為監視阻抑已經面奏今突越賊梁上城不
知曾否奏知恐有奸宄人心洶洶變起非常乞立賜推
問以杜隱奸宗社幸甚